



Nernach volget des Bluthundts der
sich nennet eyn Türckischen Kayser
gethaten/so er vñ die seinen/ nach eroberung der
schlacht/ auff den. xxviij. tag Augusti negst-
vergangen geschehen/an vnsern mitbrü-
dern der Hungerischen Landtschafft
ganz vnmenschlich gerissen hat/
vnd noch teglichsthut.



Am achten tag des Monats Septem-

ber hat der Türck vnd sein volck nach der schlacht eben angezeigt/
die Stat Pescht vnd Ofen eingenommen/ auch als bald Pescht in einer
stunde erobert/ verbrent vnd alles volck darinn gewesen vnd gelegen
zu todt zerhackt vnd erschlagen/ auch darnach für Ofen die Stat ge-
rückt/ die selben Belegere vnd angefangen zu schießen vnd stürmen/
Als aber der merertheil des volcks daselbst geflohen/ die Stat thor
auch vermaurt gewesen sein/ so hat sich doch das vberig volck/ so in
der Stat beliben/ damoch dreÿ stunde lang geweret/ Als auch der
grossen herren heiser daselbst vil thien an den meiren gehabt/ seyn
durch die selben die feinde vnd Türcken eingedrungen/ vnd dardurch
die Stat vnd schloß gewonnen/ Auch alles Christenlich volck/ Alt
vnd jungs/ weÿß vnd kindt erschlagen.

Auch als bald nach eroberung der Stat Ofen/ die Juden gassen
welche in der stat gelegen/ vnd mit sundern mauren vnd befestigungs-
gen fürschien gewesen ist/ geweltiglich angegriffen/ vast lang ge-
stürmet vnd bey duthalb tausent man darnor verloren/ Als sich aber
die Juden so vast geweret/ vnd nit sunder kriegsleit bey inen gehabt/
haben die Türcken das geschütz in der Stat zu handen gebracht/ die
thor erschossen/ in die gassen gefallen/ vnd was athem gehabt hat/
alles zerhackt/ vñ der massen mit inen gehandelt/ das von vierthalß
tausent Juden/ nit mer dann zweÿzig entrunnen sein.

Er solle auch/ wie die gemeyn sage ist/ der Türck zweÿ mal hundert
tausent starck sein.

Er rückt auch teglichs weytter/ vñnd zeucht im landt allenthalß
hin vnd wider/ dan es ist der merertheil des Adels in der schlacht bey
Königlicher maiestat beliben/ vnd yederman erschrocken/ verbren-
nen das gemain volck vast/ Auch was sie der jungen weÿßer vñnd
meydelein erwischen treÿben sie jren mütwillen mit schenck einer de
andern/ Wenn sie sich dero genietten/ so schlagen sie inen die köpff ab

Es kan also iem merlich vñ ellend nit angezeigt werden/ es wirdt noch vil hündtlicher vnd tyrannischer gehandelt.

Es ist ein Woscha/ oder Cappitan auff die stat Sünnffkirchen mit seinem volck das zu erobern/ gezogen/ Haben inen die von Sünnffkirchen die stat schlüssel/ zuwo meyl wegs entgegen gebracht. mit beger vñ mider gefalner bit/ sie zu gnaden auff zunemen/ Wiewol er inen das zu gesagt/ also in die stat gezogen. vnd zwen tag mit friden darinn beliben ist. So hat er doch am dritten tag lassen auff blasen/ das yederman/ altes vnd junge zē. auff den marckte kam/ mit anzeygung inen etwas für zuhalten/ Als sie nun wie die gehorsamen. vñnd als die so gern mit friden vñnd rühe gewesen weren/ da hyn künien sein/ hat sie der angezeygt Woscha das Christenlich volck/ alles bey einander zerhacken vnd zu todt schlagen lassen.

Weyster ist glaublich angezeygt wordē/ das der bluthundt hie vor angezeygt. drey vnter den gefangen/ mit beger jme anzeygen. welche vñnd wer des Königs diener gewesen/ drey/ Nemlich Hertzog Nicolaus/ der ander Matheasch/ der drit Polinggli für sich erfordert hab/ Darauff hats der Woscha zu einer waldstat gefürt/ vñnd gefragt ob sie die Herren/ bey Königlichlicher Maiesiet gewesen/ mit kenneu zē. Haben sie darauff den Erzbischoff von Kalatschan. den man sunst nemet Dameri Paul/ als oberster/ vñnd ein herrn Phari Jamisch gefunden. hat auch der Woscha dem Erzbischoff vom toden Cöpel/ das haubt abschlagen lassen/ vñnd das dem Keyser mit grossen Triumph gebracht.

Darnach die drey zu einem grossen hauffen gefangner gefürt/ vñnter welchen/ wie sie anzeygen/ vil Herrn vñnd gut Edelleute sein/ auch die kende in solchem/ haben sich etlich gefangen Ungern/ von der gefencknüss geledigt/ die auch in der flucht/ etlich Türcken erschlagen haben/ Als aber der bluthundt vñnd durst der Christen/ die erledigung vñnd das in etlich Türcken sein erschlagen worden/ vermüthen/ hat er im 30m Tausent die Köpff lassen abschlagen/ darauff ist der Woscha

mit den dreyen zu den toden geritten/ Aber sie haben vber gehaltenen fleiß/ den König/ vñnter den toden vñnd lebendigen mit finden künde/ Der Woscha hat auch dabey angezeygt/ das der Keyser/ was trügß leute sey/ kein/ sunder allein/ das gemain volck erschlagen lassen

Vñnd darauff den drey gefangnen/ yedem/ Tuch/ Samet vñnd zierung geben/ Auch sie mit vierhundert pferden von Ofen herauff beseyten lassen.

Die haben auch gesehen/ das der Türck/ ein buck vber die Thonau von Ofen gen Pescht gemachet hab/ auch vil volcks vñnd geschütze auff den schiffen gewesen seyen/ wo hyn oder wider wen er ziehē wil hat diser zejt niemant wissen mögen.

Aber die sag ist/ das der Weida bey der Deys ein anzal volcks ligē hab/ dem werde er gewiß mit einem hauffen zu ziehen/ Es stehet lay der vñns das Ungerlandt nit wol/ Wo die gang Christenheyt nicht darzu thut/ so ist zu besorge/ das es Osterreich bald auch treffen wert

Es ist auch zu Ungern vñnd Osterreich/ das gemübel der Babst vñnd Venediger/ seyen des Türcken verzigen zugs in Ungern mit wenig versacher/ Dann hievor in einem scharmützel/ etlich Welsch mören gefunden worden sind.

Diese Herren der Namen hernach

folgen sein bey königlicher maiestat von Uns
gern/neßen großer anzahl dero namen
niemand weyß todes verschie
den/vnnd belyben.

Von den Ungern

König von Ungern
Scrigoniensis.
Quinque ecclesiensis,
Bacchiensis.
Taurinensis.
Lanadiensis.
Vnd vil von geyslichen.
Georgius Sepuscensis.
Herz Thom. as.
Duffi.

Ambrosius Jargkay
Johannes Papi.
Drofferenz.
Polenz Ofag.
Petius Tarlagky.
Tarais emadis
Podmansthemichel.
Steffanus Weil.
Vnd vil vom Adel.

Von Behem

Steffan Schlier.
Dufferagky.
Submermerky mit seinem sun.
Mazma Stibiz.
Barganez pachamiro.

Wilhelmus Perputzky
vnd vil mer.
Dn. Kuttanawer.
Vabirt Zuber.

Von Poln.

Dn. Tropka.
Vnd vil mer/dero namen vnbeuüß seyn.
In Summa fünffzehen Tausent.

Darauff wolt jr Brüder vnd Schwester solchs übel mer vñßliche
dann menschliche gethaten zu hertzen fassen/vnd das alles betrachte
ten. Auch vnsern seligmacher/erlöser vnd Schöpffer bitten vnd ans
suchen/das er vns seyn Gütliche genad/verzeyhung vnser üßels vñß
sünden/wölle verleyhen/vnnd ferner vor dem bluthundt verhüten/
vnd vns allen ein eynigß wesen vnd frid./den wir zuhaben bedürfften/
mitteyle Amen.

Außgangen den xxx. tag des monats Septembris.

Anno M. D. xxvj.





